

صاحبی ، مدیری ، محرری :



آبونه بدلی :

سنة لکي ۱۰۰ غروش

آلتی آیلنی ۵۰ »

اویچ آیلنی ۲۵ »

مخبر

۱۳۳۸

اداره خانه سی :
شهزاده باشندده (تعالی اسلام)
جمعیتی مرکز عمومی
مرکز توزینی :
باب عالی جاده سنگه (اتحاد)
تجارت (کتبخانه سی)
اسلامک نفعنه خادم مقالات
مع الشکر قبول و درج اولونور

کان یازیدن شایان قبول کورولنار تاریخ
صیراسیله درج اولونور .

دینی ، علمی ، ادبی ، اجتماعی و شمیدیک شهری
جموعه اسامی

یازانک شخصی دکل : یازنک احمیتی
نظر دفته آیلنیر .

عدد : ۹

۱۳۳۹ رجبه مخصوص نسخه

فی ۷ بوجوق غروش

منبر هیات :

مخبر دینی : ابتاه - حاجی نجیب . ایکنجی جواب ، تائیل و تصاویر - اسکلیلی محمد عاطف . مناظره استادان مناسبتیه -
ارمناکلی صفوت .
مخبر تاریخی : رجب الفرد - طاهر المولوی . خاندان علم و معرفت - محمد عزت و محمد عارف .
مخبر ادبی : قطعه معراجیه - سعود المولوی . نعت شریف - احمد شعی . نیازم - سعود المولوی . ایران ادبیاتی - دارالفنون
مدرسارندن فرید .
مخبر انتقادی : (اکثر) و (بعض) کله لری حقنده .
علاوه : هند ماصالیری

زرده ویریلیدی . بونلر ایسه شهسز کنج بر آدمک اعاشه سنه کافی دکلدی .

مدارس تشکیلات جدید سنی بکمه یوبده شکل قدیمه ارجاع ایتک ایسته یئر ؛ هیچ اولمازسه طلبه نك اوزمانکی ایله شیمدیکی معیشتی در خاطر بویورسه لراصفه کلمه لری وادعالرندن طولای ندامت کوسترمه مملری قابل اولماز صانیرم .

صوكت زمانلره قدر شعبانك اون بشنچی کونی یاپیلان (صرة هایون آلابی) ده مقدما بو آیک اون ایکینسده اجرا اولونوردی .

طاهر المولوی

خاندان علم و معرفت

- مابعد -

اسفراین ده اسفراینی زاده لر . استاذ ابو اسحق اسفراینی رکن الدین بو خاندانه منسوبدر . (وفاتی ۴۱۸هـ) . مشهور عصام - که جامی محشیمی واطول صاحبدر - بو خانداندندر . الیوم منقرضدر . اسفراینی ، ابوبکر باقلانی درجه سنده بر عالمدر . بونک حقه ده :
مثل بغداد فی البلاد کمثل الاستاذ فی العباد دیلمشدر .

بلخ ده امام ترمذی خاندانی . مشهور کتب سته دن مجیح ترمذی صاحبی بو خاندانه منسوبدر . هرات ده انصاری زاده لر . (منازل السائرین) صاحبی شیخ الاسلام هروی بو خانداندندر . شیراز ده قشیری زاده لر . (قشیری) رساله سی بونلر کدر .

شلمی زاده لر . هرب قبائلندن (بنی سلیم) دندر لر . الیوم آفریقا ده ، مصر ده ، سودانده منتشردر لر . مطلع انوار اسلامیت اولان مدینه ده باعلوی خاندانی . غراشت شریفه وکیلدر لر . سید حافی افندی بونلردندر .

مکه مکرمه ده امارت خاندانی . بو خاندانک اکثری فضائل بی نهایت و آثار عدیده ایله اشتهار ایتشلردر حتی (زخشری) نك مشهور عالم اولان (کشاف) نام تفسیری بو خاندان نامنه تألیف ایتسی علو کعبلینه دالدر . صنعاده شوکانی زاده لر . فقه وحدیثه دائر سکزر جلدن عبارت (نیل الاوطار) بونلر کدر .

صعده زیدیلرک خاندانی . مذهب صاحبی امام هادی بونلردندر .

آل بیت مذاهبندن بریسی امام جعفر ، دیگرری بو امام هادی مذهیدر .

سپته ده بنو العجوز خاندانی . بو خاندانن هریری امام غزالی درجه سنده درت یوزدن فضله عالم یتشدر مشدر . افرادی امام مالک مذهبنده برچوق آثار وجوده کتیر مشدر . شفاء شریف صاحبی قاضی عیاض بونلرک شا کردی ویتشدر مه سیدر .

امهات کتب اسلامیه دن ۱۶ جزء (مدونه) شرحنک شارح لری ده بو خانداندندر .

قرطبه ده بنو یحیی بن یحیی خاندانی . اصول فقه مالکی بی جامع اولان (موطاء) کک طوغری رواقی بونلر کدر . بنو دینار خاندانی . بو خاندان افرادینک هپسی بنو عبدالحکم درجه سنده در . اوچ یوز سندن زیاده دوام ایتشدر .

بنو لبابه خاندانی . فقه و صک علملرنده اشتهار ایتشلردر .

بنو عتاب خاندانی . کبار فقهادندر لر . بنو فطیس خاندانی . (فطیس بورونی آراجق باصیق ویا صی بورون معاسنه در)

بنو عبد البر . حفاظ سبعه دن حافظ ابو عمر بونلردندر . عالم اسلامده الک کوزل واک نفیس اثر یازمش اولان بو خانداندر . مشهور لیزبون قاضی سی ده بو خاندانه منسوبدر . اثر لری بوتون علماجه مقبولدر .

نعت شریف

سلطان انبیاسک ، برهان اصفیاسک ،
 متبوع و مقتداسک ، محمود و محبتاسک .
 سرتاج اولیاسک ، سالار اتقیاسک ،
 سن احمد و محمد ، مختار و مصطفاسک .
 معدوم ایکن عوالم نورك ياراتدی الله
 بعثده منتهاسک ، خلقتده مبتداسک .
 دوشمز ایدی زمینه ظلك سنك اقدام ،
 نورك اولورچی ظلی ؟ سن شمس برضیاسک .
 کل ایسته یترله هپ بخش ایلهدك كلستانف ؛
 سن منبع عطاسک ، سن معدن سخاسک .
 هفت آسمانی ایتدك بر لحظه ده تماشا
 کیردك حضور حقه ؛ محبوب کبریاسک .
 اعلی الحسبده سنسک ، ازکی النسبده سنسک ،
 أسرارہ آشناسک ، ذوالفضل والعلاسک .
 مشعل کش رسالت ، فخر آور نبوت ،
 مشکله کشای امت ، کنجینه وفاسک .
 راد قویمی کوستر شمعى کمتزینه
 بخشنده رهاسک ، حقا که رهاسک .

غلطه سرای سلطانیسی معلملرندن

احمد شمعی



— نیازم —

۱

سوملی شهر من ای حرز جانی اسلامک !
 ستانبول ای ابدی دلستانی اسلامک !
 خلیفه مرکزى ، جان و جهانی اسلامک !
 امین اول اوستکه تیرهر روانی اسلامک !
 خدا بر اقسون ای بلده ! یاد النده سنی

بنو حمدین خاندانی . قاضی عیاضك خواجہ سی ابن
 حمدین بونلردندر .
 غرناطه ده بنوالفرسی خاندانی . احکام القرآن حقتده
 اثرلری واردر .
 بنو عطیه خاندانی . (ابن عطیه) نك تفسیری
 مشهوردر .

بنو حاصم خاندانی .
 بنو لبّ خاندانی . ائمه مجتهدیندن قاضی ابو بکر بن
 العربی - که (انوار الفجر) نامیه سکسان بیک کاغددن
 عبارت و اوتوز سنه ده اکال ایدلش اولان تفسیر مشهورک
 صاحبیدر - بو خاندانك آب روییدر .

اشبیلیه ده مقامزى زاده لر . الیوم منقرضدر .
 ایشته بزوجه بالا تعداد و بیان اولسان خاندان علم
 و معرفتک همان کافه سی الیوم منقرضدر لر . حالا دوام
 ایدنلر :

محجازده امارت ، مدینه ده فراشت شریفه وکیللری
 اولان باعلوی ، فاسده بنوالجد ، عراقده بنو عبدالقادر
 کیلانی ، شامده عابدين زاده لر ، رمله ده خبری زاده لر ،
 نابلسده خنبی یاخود هاشم زاده لر ، قدسده دیری
 یاخود خالدی زاده خاندانلریدر .

محمد عزت و محمد عارف



مجله ادبی :

قطعهٔ معراجیه

رؤیت حقندن بعید اولسون دم موعودده
 یا رسول الله تصدیق ایتمین معراجکی
 ملک لاهوتک اوشاهنشاھیسین کیم کبریا
 جوهر حبیلہ ترین ایشدر تاجکی

سعود المولوی

